

僧伽凡脩勝道先除動欲无動无欲則不求不

爲无求无爲則能清能淨能清能淨則能晤

15 能證能晤能證則遍照遍境遍照遍境是安

樂緣岑穩僧伽譬如我身奇相異誌所有十

文名爲四達我於四達未嘗自知我於十文

未嘗

自見爲化人故所以假名於真宗實无知見

何以故若有知見則爲有身以有身故則

20 懷生想懷生想故則有求爲有所求爲是名

動

欲有動欲者於諸苦惱猶未能免況於安樂

而得成就是故我言无欲无爲離諸染境

入諸淨源離染能淨故等於虛空發惠光

明能照一切照一切故名安樂道

25 復次岑穩僧伽我在諸天我在諸地或於神

景教經典志玄安樂經に就いて

道或於人間同類異類有識無識諸善緣者我皆護持諸惡報者我皆救拔然於救護實

无所聞同於虛空離功德相何以故若有功

德

則有名聞若有名聞則爲自異若有自異則

30 同凡心同凡心者於諸矜夸猶未度脫況於

安樂而獲圓通是故我言无德无聞者任

運悲心於諸有情悉令度脫資神通故因晤

正眞晤正眞故是安樂道次復岑穩僧伽我

於

眼法見无礙色我於耳法聞无礙聲我於鼻

35 法知无礙香我於舌法辨无礙味我於身法

入无礙形我於心法通无礙知如是六法具

足莊嚴成就一切衆眞景教皆自无始暨因

緣初累積无邊囉稽浼福其福重極萬億圖

齊帝山譬所莫及然可所致方始善衆會合